

德縣志

纂修 民國二十四年

卷四

輿地志

城郭 公署 局所

法團 工廠 倉庫

關樞 橋梁 祠廟

坊表 冢墓 古蹟

園亭 金石

德縣志卷四

輿地志

城郭 橋梁

公署 祠廟

局所 坊表

法團 冢墓

工廠 古蹟

倉庫 園亭

關樞 金石

城郭

縣城魏泰和間築

見本省通志

土城歲久而圯明洪武三十年都督張

文傑指揮徐福等改建磚城

城門有五南門曰朝陽南出通恩縣路東南通平原路東門曰

長樂長樂郡名晉改廣川為長樂水經注長樂故信都也取以

名門亦存古之意東出通陵縣路東北通德平路北門曰拱極

北出通桑園路西北通景縣路現堵閉不啓小西門曰廣川廣

川者漢縣也出廣川門渡運河通景縣路景縣南有廣川臺又

有董子祠凡董子故蹟在景縣南則在德縣西北廣川之地兩

德縣志

卷四

輿地志 城郭

一

邑有之廣川之門為古西門曰定邊

見明嘉靖間山東通志

定邊者古名

也五代時石晉以燕雲賂遼凡十六州之地幽

今大興縣

薊

今薊縣瀛

今河間縣

莫

俗呼曰鄭州今任邱縣

涿

今涿縣

檀

今密云縣

順

今順義縣

謂之山前七州宋

人承其後遂以白溝河為界統兵要害在近邊未嘗遠戍境外

瀛莫諸州悉是邊地故有定邊之名元明建都於燕檀順諸州

悉是畿內之地明萬歷中修城改定邊為聚秀西出踰衛河通

衡水路西南通故城路

城之外周十里零一百八十步內周九里零十三步闔城內佔

地三十七頃二十畝九分五釐七毫五絲城牆壓地九頃六十

三畝三分五厘五毫

舊志本元史崔敬傳陵州無城郭一言謂德州向無城垣且謂

洪武三十年改建之州城爲衛城李東圃先生州志考異力辨其非

按通志云金都於燕通山東河北之粟凡諸路瀕河之城則

置倉貯之若恩州

卽漢清河郡

之臨清歷亭

隋分武城及鄆縣置歷亭縣

景州

之將陵東光皆置倉之地是金之將陵有城也元延祐間臺

德璋儒學碑記云夫子之宮舊在城東南隅是元之陵州有

城也再按明洪武五行志洪武二十八年德州大水壞城垣

是洪武時已有城非至三十年始有城也可知德邑本有城

崔敬傳以爲無城郭蓋土城歲久而圯洪武三十年是易土

城爲磚城改築非創築也且移德州治在洪武七年立德州

衛在洪武九年又可知爲州城非衛城也

德縣志

卷四

輿地志 城郭

二

明正統八年知州韋景元修城建譙樓

正德五年知州寧河預防劉六等之亂外築羅城嘉靖七年知

州何洪增修羅城廣袤二十餘里久已傾圯無存

萬歷四十年知州孫森重修德州城鏹需五萬期以三年隨宜

擘畫增陴濬隍並建雁塔振河閣敵樓戍舍

清乾隆八年以工代賑發帑金十四萬有奇重修州城周迴十

里一百八十步高三丈七尺厚三丈池深二丈闊五丈門樓譙

樓各四甕城四敵樓二惟廣川門無門樓無甕城興工於乾隆

九年告竣於乾隆十四年

光緒元年山東布政使李元華護理巡撫時籌發三萬餘金委

派專員會同知州張錫綸祇修東面牆垣故今東面稍完整其

南西北三面則皆破敗不堪

民國十七年南北統一當局意將城垣拆毀藉資其他建設惟城址地勢窪下近瀕運河東南兩面有陳公堤北有北支河堤西有運河堤四面皆堤縣城宛居釜底一經河決四週盡成澤國民國六年運河自耿李莊決口水勢洶湧猶高屋建瓴而下城垣淹沒過半岌岌可危幸免於難者尚賴有城之保障也邦人士利害關切公請保留用禦水患故拆去城堞而中止厥後於十八年修葺各門改南門之朝陽爲中山東門之長樂爲民生西門之聚秀爲民族小西門之廣川爲民權矣

公署

縣政府 在城內東南隅舊爲山東督糧道署民國二年縣長金公榮桂移縣治於其中

按山東督糧道署爲舊時戶部管倉分司署明永樂十三年置德州倉於北廠因設戶部監督分司其署卽在北廠正統十四年移倉於城內並移署城東南隅天順五年改爲管倉分司署清康熙四年裁分司移萊州通判駐此十八年萊州通判移於濟東道署山東督糧道由濟南移駐於此光緒三十四年督糧道缺裁撤遂爲空署民國二年改爲縣公署十七年改稱縣政府

法院 在城內舊州署東三元宮

德縣志

卷四

輿地志 公署

四

按明宣德間設戶部監兌分司曾建署於此萬歷間裁分司後改爲三元宮民國十七年設初級法院二十三年改爲地方法院分庭二十四年拓充地基添建房舍改爲山東高等法院第五分院並兼地方法院

詳見政治志

濟南分監 在城內舊州署南半部

按分監民國二十四年建仍以監獄舊址及舊州署南半部

並州吏目署改建名曰濟南分監

詳見政治志

附廢署

知州署 在城內喧嘩角東

按舊志載州署舊制大堂之東爲州同署其南爲管河州判署堂之西爲管糧州判署嗣因裁汰驛站統歸州馬號所佔

州同在城內賃居民房管河州判一缺於康熙二十六年裁撤管糧州判於乾隆二十七年移於邊臨鎮賃民房居住其後州署堂之東偏爲安德驛東南爲監獄西南爲州吏目署現在州署房舍已傾圮無遺惟吏目署曾改爲典獄員署監獄仍舊民國二十四年春高等法院派員來德將舊監獄及舊州署前半之空基並典獄員署均改爲新監名曰濟南分監

督糧道庫大使署 在今縣政府舊督糧道署之西北隅

按清光緒三十四年庫大使裁撤遂爲空署民國十七年國民黨黨務整理委員會移駐於此

衛守備署 在北門內偏東

德縣志

卷四

輿地志 公署

五

按明洪武初年設守禦千戶所於此後改爲德州衛永樂初又立左衛於此衛官世襲分駐全街故有紗帽街之稱清改設守備至光緒二十八年裁撤今官舍已廢圮無存

濟南糧捕通判署 在城內東南戶部後街

按該署本爲察院行館清康熙九年濟東道移駐於此十八年濟東道歸濟南萊州通判移駐於此三十六年萊州通判歸萊州移濟南糧捕通判駐此後因年久失修倒塌無存歷任通判均賃居民舍至光緒二十八年濟南糧捕通判裁撤署址已久成池沼矣

滿洲營城守禦署 在東門內偏北

按清順治十一年設滿洲營城守禦建署民國十五年城守

禦缺裁撤今官舍廢圮無存

德州營叅將署 在大西門內偏北

按該署本爲都督府明永樂二年都督曹得建萬歷間改爲叅將署清光緒三十四年裁叅將缺今官舍廢圮無存

德州營守備署 在小西門內

按該署於清乾隆四年建光緒三十四年裁守備缺今官舍廢圮無存

武德道署 在舊城隍廟 卽今市場 西

按舊志武德道缺於清康熙六年裁撤遂爲空署九年濟東道移駐察院行館改武德道空署曰西察院後遂成爲坑坎

糧道行館 在舊永慶寺 卽今省立十二中學 東

德縣志

卷四

輿地志 公署

六

按舊志該署本爲叅將署明萬歷間叅將移駐都督府遂改爲北察院督糧道以爲行館清康熙十八年督糧道奉令由省駐德移居於管倉分司署而行館遂廢爲池沼

太僕分司署 在南關今爲馬神廟

遊擊署 在小西門內古二郎廟迤西

按舊志明隆慶中選義勇武生分爲兩營遊擊領一營都司領一營一營駐濟南一營駐德州如德州一營調赴他處濟南一營卽駐德州以備應援自萬歷間改設叅將裁遊擊都司二缺其署遂廢址已失考

管河州同署 在大西門內倉樓前今廢圮無存

德州儒學署二處 一在文廟後 廢圮 一在文廟西

局所

財政局 在建設街租居民房

按財政局於民國二十一年改爲縣政府第三科仍在舊局

辦公 詳見政治志

建設局 在建設街租居民房

按建設局於民國二十一年改爲縣政府第四科仍在舊局

辦公 詳見政治志

教育局 在封家街租居民房

按教育局於民國二十一年改爲縣政府第五科仍在舊局

辦公 詳見學校志

公安局 在南門內大街租居民房

德縣志

卷四

輿地志 局所

一分駐所 在南關線市街財神廟內

二分駐所 在柘鎮 以上均詳見政治志

郵政局 在大西門內呂家街租居民房 詳見政治志

柘鎮郵政局 在柘鎮當鋪街租居民房 詳見政治志

電報局 在大西門內呂家街與郵局合局辦公 詳見政治志

柘鎮電報局 在柘鎮當鋪街租居民房 詳見政治志

長途電話局 在南關線市街租居民房 詳見政治志

德臨汽車路局 在南關南營街 詳見政治志

德南汽車公司 在城外山西會館迤西 詳見政治志

營業稅局 在南門東街租居民房

印花菸酒稅局 在城內當鋪街



民衆教育館 在舊州署前關帝廟內 詳見學校志

聯莊會訓練處 在文廟內 詳見政治志

德縣志

卷四

輿地志 局所

法團

縣黨部

在縣政府西北隅舊道庫大使署

詳見政治志

商會

在南門內西街民國二十二年建

詳見風土志

進德分會

在火神廟街迤南民國二十二年建

國術館

在大西門內準提菴民國二十年成立

工廠

民生工廠

在文廟東名宦祠

詳見政治志

濟貧工廠

在稅務街旱館驛

詳見風土志

附廢廠庫

兵工廠

在大西門外上碼頭清光緒二十八年建築規模偉大

佔地七百餘畝至民國十四年冬因軍事關係將一切機器拆

移濟南遂致停辦現廠內房舍尙固藉爲駐軍住所

軍械庫

在兵工廠東南爲儲存械彈之庫房舍宏敞現亦爲駐

軍住所

按兵工廠及軍械庫隸屬中央非本省機關現雖停辦而建

築偉大尙未傾圮且在本縣界內故附列於此

倉庫

將陵倉 在北廠金天會七年建

陵州倉 在北廠元至元三年改將陵倉為陵州倉

廣積倉 明永樂九年會通河告成十三年於陵州倉故址建廣

積倉即德州水次倉以備淮徐臨德起運南糧赴通運軍遞換

暫駐於此

預備倉 明永樂十三年置名曰常豐倉貯存留德州各項支用之糧

以上二倉俱在今之北廠水次倉戶部分司管常豐倉分司統

轄歸州管常豐倉內又附儒學倉支發廩糧正統十四年移德州水次倉於南

門內移預備倉於城內分為二倉移在西門內者名常豐倉移

德縣志

卷四

輿地志 倉庫

在城隍廟南者名預備倉崇禎元年常豐倉災歸併德州水次倉因名曰常德二倉清發滿洲兵米及運軍月糧於此即督糧道所管倉也其預備倉於順治年間貯部米部麥雍正十年裁歸州倉遂廢為池沼矣

臨德二倉 明宣德五年淮徐臨德四處倉廩修成衛軍輪班遞運南糧淮安衛軍運至徐州水次倉徐州衛軍運至臨清水次倉臨清衛軍運至德州水次倉德州衛軍運至通州倉存貯嗣清代定為各省南漕自運抵通乾隆二十四年將臨清倉歸併督糧道倉管理故有臨德二倉之名自南漕停運均已蕩然無存

德州新倉 清雍正九年於州署東建倉一百二十間貯州常平

穀及社穀並收貯漕糧旋起運赴通其存留支發者總於此倉支發現只有一座備存積穀之用

德州衛新倉 清雍正八年於衛署前建倉二十四間貯衛常平穀久已廢圮址湮莫考

明儒學倉 附常豐倉內倉無斗級以門子代之故俗呼齋夫爲門斗

督糧道庫 在道署大堂

東貯漕項名豐裕庫西貯倉項名濟本庫

州庫 在州署大堂西北隅爲錢糧庫徵收錢糧暫時存貯解司東北隅爲常盈庫貯各項存款銀兩及凶器贓物

兵器庫 在儒學西鐵匠局卽附近庫其址久湮

按以上倉庫除德州新倉尙有一座爲貯積穀之用餘均廢

圮無存矣

關權

鈔關 在浮橋北運河西岸後移浮橋南東岸爲臨清州鈔關所轄分關也設立最早始於明宣德十年距臨清總關水路三百三十里專徵河路貨稅清代由山東巡撫派員監督駐於臨清駐本縣者爲分關主任民國初年由中央財政部遴員呈請任命仍稱監督至民國六年在本縣設立臨清鈔關駐德辦公處租賃民房監督亦駐於此民國二十年各省裁釐卽行取消矣

鹽關 在柘鎮運河東岸清康熙五十一年立漕運總督委員駐此稽查回空漕船有無夾帶私鹽潛運者久已裁撤矣

橋梁

運河浮橋

始修於清康熙十七年

見藝文志文  
外編浮梁記

雍正十二年改

河西移浮橋亦隨之而移故至今西關渡河處名浮橋口惜年久失修船舶久已廢壞矣其廢河中設浮橋處築堤而路建石橋焉

廣川橋

在廣川門外明洪武三十年建

南關外大石橋

通平原縣路

馬市街外石橋

通恩縣路

北哨馬營橋

在北支河頭清雍正十二年修今廢

南減水河下通老黃河其橋之屬德縣者五

三十里鋪橋

通恩縣路

德縣志

卷四

輿地志 橋梁

黃河涯橋

通平原縣路

擡頭寺橋

通平原陵縣界

白家橋

通陵縣路

袁家橋

通德平縣路

馬頰河之橋屬於德縣者十一

興龍寺大橋

舊大路通平原縣

李家橋

新大路通平原縣

常家道口橋

小橋

即仙人橋

土橋

東大路通陵縣亦名界河橋

宋家橋

任家橋 即譚家道口

范家橋

王紀口橋 即邊臨鎮

徽王莊石橋 通德平縣路

王解橋 通河北省寧津縣路



祠廟

聖廟 在城內北部

崇聖祠 在聖廟內 以上均詳見學校志

奎星樓 在聖廟東清順治九年建於南門城上康熙十八年移建於此

文昌閣 明景泰五年建在聖廟東名文昌祠萬歷二十五年知州劉道另建文昌閣於祠之東移像入閣舊祠改爲名宦祠  
鄉賢祠 在聖廟東清雍正十年建光緒丙申年立碑將崇祀鄉賢姓氏鐫於碑上每歲春秋二仲月上丁釋奠之日致祭茲將崇祀鄉賢姓氏列後

漢中大夫江都相董子

德縣志

卷四

輿地志 祠廟

十六

漢大中大夫東方公朔

齊光祿大夫謚敬侯劉公懷珍

齊護國將軍齊郡太守劉公懷慰

唐中書令蔣國公高公馮

唐吏部尚書高公沐

唐山南節度使孟公簡

宋尚書右丞張公雍

元翰林院檢討孟公泌

明刑部右侍郎宋公性

明大名縣教諭王公復善

明禮部尚書張公惠

明山西忻州知州石公倫

明豐潤縣教諭王公中

明兵部侍郎張公海

明勅旌孝子增廣生尹公綸

明戶部郎中鄒公祥

明贈南京應天府府尹袁公通

明烏撒軍民府同知趙公淮

明山西巡撫袁公擯

明陝西平涼府通判鄒公頤賢

明山西沁水縣知縣王公進賢

明工科右給事中葉公洪

德縣志

卷四

輿地志 祠廟

十七

明光祿寺卿盧公宗哲

明山西布政司參議劉公佐

明江西右布政使程公琯

明苑馬寺少卿曾公鑑

明浙江道監察御史謝公廷策

明工部尚書程公紹

明益都縣訓導魏公鏞

明山西廣昌縣知縣金公世臣

明萬曆甲午科經魁李公誠明

明陝西右布政使金公煉

明工部都水司員外郎何公顯宗

明太常寺卿王公都

欽授福建道監察御史盧公世淮

清處士鄉諡貞曜先生田公實栗

清廣西左江兵備道李公允禎

清浙江麗水縣知縣田公緒宗

清翰林院侍讀蕭公惟豫

清戶部左侍郎田公雯

清河南偃師縣知縣盧公道悅

清翰林院編修田公需

清勅旌孝子呂公閔

清勅旌孝子河南汲縣知縣趙公如范

德縣志

卷四

輿地志 祠廟

十八

清勅旌孝子乾隆甲子科舉人魏公廣智

清太子太傅體仁閣大學士諡文肅盧公蔭溥

清掌江南道監察御史魏公迺勳

宋公祠 在聖廟東明成化九年建本爲鄉賢祠清雍正十年於

祠東另建新祠移祀各鄉賢木主於內舊祠祇留先賢宋侍郎

性之像名爲宋公祠春秋仲上丁釋奠之日令其子孫自祭

節孝祠 在聖廟東清雍正元年詔立節孝祠三年知州陳留武

於聖廟東建祠立主嗣後凡已蒙旌表者得奉木主入祠附祀

焉

董顏祠 明景泰間於文昌祠東建董子亭宏治十二年改亭爲

祠有亭有臺有廂有坊萬歷四十三年知州馬明瑞移建於城

外河上崇禎四年邑人程紹於小西門外月河上建顏魯公祠  
清康熙十七年知州佟淮年將城外兩祠移於城內聖廟東合  
祀二公名爲董顏祠

名宦祠 明正德二十四年建在聖廟西萬歷二十五年以聖廟  
東之文昌祠舊址改爲名宦祠其聖廟西舊址改爲訓導署每  
歲春秋二仲月上丁釋奠之日致祭茲將崇祀名宦諸公官職  
姓氏列後

漢平原太守蕭公望之

漢平原文學匡公衡

漢平原太守伏公湛

漢平原太守趙公熹

漢平原相史公弼

漢平原相陳公紀

漢平原相昭烈帝劉公備

晉平原相阮公种

德縣志

卷四

輿地志 祠廟

十九

晉平原太守邵公續

晉平原內史陸公機

隋德州司馬房公恭懿

唐平原太守顏公眞卿

宋通判德州趙公挺之

宋德州兵馬都監趙公叔皎

宋知德州事靳公懷德

宋通判德州唐公介

金德州防禦使曹公望之

金同知德州防禦使王公擴

明德州知州戴公纓

明武德道趙公時春

明德州知州謝公錫教

明戶部主事司德州倉傅公賓鳳

明濟南府同知署德州知州孫公森

明武德道雷公績祚

清武德道祝公思信

清武德道梁公維樞

清武德道劉公源湛

清德州知州劉公芳聲

清德州知州陳公留武

清德州知州朱公若炳

清德州知州李公燕

清德州知州原公遜志

清山東督糧道孫公星衍

清德州知州舒公化民

清德州知州張公應翔

清德州衛守備葉公宗訓

清德州知州趙公新

清德州知州全公士琦

清德州知州陳公嗣良

清德州知州楊公學淵

土地祠 在聖廟東

按土地爲里社之神縣城之內除在城隍廟內者爲公共之土地祠外各衙署均另有專祠聖廟之制儒學衙署卽附於此故廟學內亦另有土地祠每歲於春秋二仲月上丁釋奠之日一律致祭

關帝廟

德縣志

卷四

輿地志 祠廟

二十

一在學宮東南亦稱武廟

一在南門城上

一在小西門城上今圯

一在永慶寺東

一在舊州署街東首

一在市場街西首

一在東門甕城今圯

一在北廠街今圯

一在西關水官驛

一在山西會館今圯

一在南教場今圯

一在遞運所街

一在城內東北隅今圯

一在西門甕城今圯

一在舊州署前今爲民衆教育館館址

一在柘鎮

按舊志云帝之威靈如日行天無往不在長河志籍考云在學宮東南者最古又柘鎮者亦稱最古帝曾諡壯繆侯宋崇寧中封崇惠公又加封武安王明萬歷中封協天護國忠義大帝又封三界伏魔大帝清乾隆間詔改本傳之壯繆爲忠義舊制京師及各省均建關帝廟以春秋仲月諏吉及五月十三日致祭祀典亞於文廟故稱爲武廟民國三年陸海軍

德縣志

卷四

輿地志 祠廟

二十一

部呈請以帝及宋岳飛合祀從祀者二十四人於春秋致祭與孔廟並崇惟本縣未建合祠

土地廟 在大西門外舊河東岸建築最古

以上各祠廟載在祀典

火神廟 在中心角卽馬家溜口迤西

藥王廟 在南門外柴市街東舊在河西五里莊

八蜡廟 在城南七里舖

大王廟 在北廠

按神姓謝氏名緒兄弟四人緒最少隱金龍山宋亡赴水殉節明太祖戰海牙助陣有功封爲金龍四大王清道光間督糧道張祥河重修題記鐫於石

擡頭寺 在城東南二十里莊名解家牌不知創始何時明成化十八年重修正德七年再修清雍正七年邑人王增祿捐資重修並捐置田四十餘畝明王陽明曾讀書此寺王元美亦曾僑寓於此日取藏經閱之又致南藏經兩大龕以補寺藏之闕今已不存

龍泉寺 在城東南五十里土河東岸下臨龍潭長河志籍考節載龍泉寺碑文云寺在崇德鄉北連徒水橋東鑑魏國城西枕徒駭岸

興龍寺 本名迴龍寺 在城東五十里大橋之西

崇興寺 在城南二十里由來甚久清雍正五年僧本旺立志興修乾隆十二年僧性誠繼其志至十八年重修大殿擴其舊規

德縣志

卷四

輿地志 祠廟

二十一

增配殿天王殿山門二十年又建千佛閣及禪堂方丈羣房三十餘間增置寺田八十餘畝俗呼爲南觀音寺

上果寺 又名傅家寺

清演寺 在城東二十五里古黃河東岸

華嚴寺 在城東北八十里

三寶殿寺 在城東北九十里

西長定寺 東長定寺 俱附近邊臨鎮

白佛寺 在城東南趙家莊

觀音禪寺 在城東北蕭官屯俗呼爲北觀音寺

大覺寺 在城東北

觀音寺 在城西南二十五里榮家寨東昌僧廣通來此募修竭

力經營殿宇門牆崇固煥然四十年中陸續置地四頃房舍數十椽其弟子興玉後又增地三百餘畝里人爲立公約碑記

給孤寺 在城西南五里運河東岸

清修觀 亦名蠡斯觀 在河西高海邑人田教諭霽重修

清源閣 在城內十字街北 卽二郎廟街 趙氏所建

八仙廟 在城內文廟西

文武閣 在柴市街 一面供文昌一面供關帝 清康熙三十年邑人陳洪諫建

玉皇閣 在南關外

西方菴 在大西門外清康熙年間邑人蕭惟豫布施廟址 有施

地碑記 遊方僧人募修

甘露菴 在小西門外城垣下

德 縣 志

卷四

輿地志 祠廟

二十三

觀音堂 在北門內藏有五十三參顧繡冊頁甚精工今在民衆教育館保存

菩薩廟 一在藥王廟西一在柘鎮明時建

清真寺 回教誦經禮拜之所共有五處

一在南營街

一在北營

一在米市街

一在小鍋市

一在河西四里屯

已改他用祠廟

城隍廟 在喧嘩角西明永樂九年知州何原建民國十七年改



為市場招商設肆並有戲院等娛樂所

龍神廟 在城內東嶽廟之西現為世界紅卍字會會址

以上二廟均載祀典

永慶寺 唐貞元間建本在運河西岸元季兵燬明永樂十年僧

古峰移建於城內州治後景泰間邑人張惠重修並作記略

見

藝文志

殿宇嵯峨誠巨剎也清光緒二十一年僧妙熙募化再

修殿閣一新至民國十八年十月改為省立第十二中學陸續

添建房舍甚多歷年造就青年學子數十人魯北各縣就學者

咸稱便焉

三元宮 一在舊州署東今改建為法院一在南門外線市街今  
改為初級小學

德縣志

卷四

輿地志 祠廟

二十四

東嶽廟 在城內廢參署後之西北今亦為世界紅卍字會所居

準提菴 在大西門內現紅十字會及國術館均設於此

財神廟 在南門外線市街昔有邢侗書額筆姿遒勁不知何時

失去平安水會曾設於此嗣公安局分駐所設此其平安水會  
借民房而居

漢館驛 在南關稅務街濟貧工廠設此

雙興菴 在南門西現為福善水會會址

燃燈古佛廟 在古關帝廟西現併入師範講習所

華嚴菴 在倉樓東北現設有民衆夜校

廢圮廟壇

廩神廟

亦稱倉神

一在北廩一在道廩內一在州廩內春秋仲

月望日致祭

雲雨風雷神廟 在城內金家胡同

天后宮 舊在北廠運河東岸清道光間本邑駐防旗人武狀元  
昌伊蘇自臺灣總鎮任旋里後建近因年久圯廢其後人移像  
於城內大營東街其住宅南園另建神殿供奉

按舊志載天妃廟在南回營西長河志籍考載有天妃廟云  
在南關已廢考天后海神名亦稱天妃宋福建莆田人林愿  
第六女幼而神異兄商海上遇暴風女瞑目出神救之年二  
十而卒屢顯靈應於海上泛海者皆禱祀之明永樂中封天  
妃立廟於京師後晉封天后

河神廟 在城外舊河上明嘉靖中兵備道趙時春建今圯址已

德縣志

卷四

輿地志 祠廟

二十五

失考

旗纛廟 一在南教場一在北門內

以上祠廟均載祀典

三皇廟 在小鍋市南

劉猛將軍廟 在大西門外九達天衢坊迤北

晏公廟 在小西門南

江東神廟 在高真觀內長河志籍考云神赫靈短身黎面稱曰  
江東莫之考矣

慈氏寺 本在運河西岸與永慶寺同時建俗稱銀瓦寺清雍正  
十二年運河西徙出河東岸乾隆四十四年山東巡撫國泰撤  
其材於八里屯建布拉達廟四十八年奉旨拆毀移於永慶寺

西立旃檀佛像於內賜額普陀廣教之寺現今小西門外寺之廢址嘉靖中碑記尚存

鐵佛寺 在東關明宏治十年建寺內佛像高一丈八尺清咸同間毀於兵燹鐵像均改鑄軍器矣

慧光寺 在玉皇閣北近閣路東卽寺之基址

高貞觀 在北門內元時建明正德中重修嘉靖中故城孫沙溪有記

北極廟 在北門月城內有邑人馬九德碑記一在馬市街石橋南

泰山行宮 在南關外

昭惠廟 在小西門內卽古二郎廟

德 縣 志

卷四

輿地志 祠廟

二十六

北斗廟 在東門內南首舊牧馬營北

毘盧菴 在城內古關帝廟西北明吳三師禪院卽吳妙音歸禪處俗呼爲霹靂菴

玉皇廟 在東門內

先農壇 在城東三里清雍正四年知州陳留武建二月諏日祭  
耕藉田

按清制各省府州縣於東郊先農壇側擇沃壤爲藉田督撫及州縣皆九推九進

社稷壇 在城西南二里許明永樂九年知州何原建春秋仲月上戊日祭

按壇爲土神穀神之所二月八月上旬之戊日祭之

山川風雲雷雨壇 在城東南二里明永樂九年知州何原建春  
秋仲月上巳日祭

厲壇 在城西北一里明永樂九年知州何原建每年清明七月  
望日十月朔日祭

以上四壇 在祀典今均廢圮附錄備考

坊表

九達天衢坊 在大西門外大路中

擢英啓秀坊 在文昌閣前

一門雙節坊 在南門內東明天啓中爲劉嘉允母徐氏張氏建

督糧道署門外坊 文曰軍國重寄

三世完節坊 在東鄉王臣店清乾隆三年爲王光升妻單氏王

朝笏妻李氏王繼先妻王氏建

按朝笏光升子繼先光升孫也

懷清摩漢坊 在邊臨鎮清乾隆六年爲劉守經妻范氏建

李家節孝坊 在河西李家莊清乾隆十八年爲李文明妻段氏

建

李家貞節坊 在河西五里莊清乾隆五十二年爲李元賁妻吳

德縣志

卷四

輿地志 坊表

二十八

氏建

趙家節孝坊二 一在曹村趙氏家祠內清道光三十年爲賍封

武德騎尉趙震川妻王氏建 一在曹村西街咸豐七年爲庠生

趙爾準妻鄧氏建

附圮坊

督糧道署門外東西兩坊 東曰司計轉漕 西曰持籌積貯

州署坊 東曰燕南都會 西曰齊魯屏藩

城隍廟坊 電察 鑒照

歷朝進士坊 在南門內

恩綸世錫坊 在南門內明嘉靖中爲程瑄之父程賢程紹之父

程訥建

宋家貞節坊 在大西門外清康熙十二年爲宋之龍妻郭氏建  
瞻禮如在坊 在泰山行宮前

北四牌坊 明嘉靖間爲戶部郎中張子順戶部主事陳志布政  
使司李逢時御史王楠建崇禎間改爲御史趙繼鼎盧世漣布  
政使司金煉太常寺王都坊康熙六年廢於火

金榜題名坊 明嘉靖間爲進士李逢時建

內臺秉憲坊 明嘉靖間爲御史李逢時建

少司馬坊 明正德間爲兵部侍郎張海建

南四牌坊 東諫議坊爲明給事中葉洪建西翰林坊爲明光祿  
寺卿盧宗哲建南都憲坊爲明都御史袁擯建北亞卿坊爲明  
刑部侍郎宋性建

德 縣 志

卷四

輿地志 坊表

二十九

父子傳芳坊 明嘉靖間爲舉人馬亨衢馬九德建

祖孫接武坊 明嘉靖間爲進士馬碁馬九德建

青瑣納言坊 明嘉靖間爲給事中石存仁建

兄弟聯芳坊 爲明隆慶庚午科舉人李汝棟萬歷癸酉科舉人  
李汝材建

兩朝忠義坊 明萬歷間爲布政使司程瑄建

恩綸洵錫坊 明嘉靖間爲誥封工部侍郎程訥建

永介壽祺 洵錫寵渥二坊 明嘉靖間爲誥封工部侍郎程訥  
建

西四牌坊 一曰東連齊魯二曰西通漕運三曰南接藩省四曰  
北拱京畿

孝子坊 明天啓間爲朱之龍建

孝行坊 明天順間爲尹綸建

孝子坊 明正統間爲張泰建

兩世完節坊 明天啓間爲工部員外郎何顯宗祖母王氏母鄭

氏建

姜家貞節坊 明嘉靖間爲姜淳妻曾氏建

黨家貞節坊 爲千戶黨恭妻陳氏建

任家貞節坊 清康熙十二年爲任明漢妻謝氏建

忠孝兩全坊 明成化間爲戶部郎中鄒祥建

蟾宮坊 爲舉人石倫建

進士坊 爲主事姚紹祖建

德 縣 志

卷四

輿地志 坊表

三十

大中丞坊 爲都御史馬佩建

世科坊 爲御史王汝楫建

進士坊 爲張大業建

進士第坊 爲御史丁永成建

冰操玉潔坊 康熙初年爲馬張氏建

以上均見舊志今各坊俱圯仍附錄之以免湮沒

冢墓

聖像墓 在聖廟東明嘉靖年間以主易像故藏於此長河志籍考云先師廟舊有孔子像明嘉靖九年釐正祀典始易木主從張敬孚之請也以泥像瘞於儒學之東俗曰聖人墳

劍冢 在城外溜口街南古名將埋劍處長河志籍考云白楊蕭蕭青草芊芊魚腸湛盧正首邱焉豈張華雷煥龍瘞重泉扈稽吳鴻鈞飛二子歟乃何以近枕高津之岸遠作甘茂之鄰也生前伍相慨賜屬鏤歿後要離空憐燐火或亦莫邪干將夫妻之古魂馬鬣牛眠歐冶之爐地也

漏澤園

即義冢

一在城南一在城北宋元豐間始創此法卽官

設之叢葬地也

德縣志

卷四

輿地志 冢墓

三十一

魏濟青刺史高植墓 植字子建元魏司徒高肇之子清康熙間城北第六屯河岸因雨圻裂得一石碑高寬三尺厚五寸碑字僅可辨名字官爵未載神龜元年字句按魏書外戚傳植自中書侍郎爲濟州刺史率州軍討破元愉別將有功當蒙封賞植不受曰家荷重恩爲國致效是其常節何足以膺進陟之報歷青相翔桓四州刺史以清能著稱

明蘇祿國東王墓 在城北二里蘇祿國在東南海中有三王曰東王西王峒王以東王爲尊明永樂十五年東王巴圖噶巴達刺巴圖噶巴蘇爾峒王巴圖噶巴喇布各率其妻子頭目來朝歸至德州東王卒命有司營葬樹碑諭祭一壇諡曰恭定封其長子圖瑪哈爲蘇祿東王率眷屬歸國留侍從十餘人守墓王



次子溫哈喇三子安都魯俱受俸賜永樂十九年嗣王遣使入貢清雍正五年國王來朝九年國王蘇老丹摺奏禮部查明前明留德守墓人等子孫入籍德州題定溫安二姓各立奉祀生一名該撫題明嫡系承襲給照在案十年發帑金修其墓墓碑有云其俗少粒食食魚蝦螺蛤短髮纏皂縵煮海爲鹽釀蔗爲酒織竹布爲業氣候常熱其產竹布玳瑁珍珠永樂間三王來朝時貢珍珠玳瑁諸物賜王冠服玉金帶蟒龍金銀錢鈔錦幣器皿及妃子女姻戚等賜物各有差

明都督曹得墓 在城東北十二里曹村西北得山西懷仁人永樂十三年鎮德州十九年卒命有司造墳安葬遣官諭祭皇太子親王亦遣官諭祭其部曲就居墓所故名曹村

德縣志

卷四

輿地志 冢墓

三十一

明指揮王鉞墓 在城北五里景泰初諭祭清乾隆二十一年其後裔猶有存者尙有故印票一紙而碑文則不可辨相傳以爲土木之變死節臣也墓址今已湮沒

明禮部尙書張惠墓 在城西三里河上惠仕至南京禮部尙書天順三年卒其子琮扶柩歸葬上命布政使陸瑜諭祭一壇

明太僕卿張海母李氏墓 成化二十一年上遣禮部右侍郎謝一夔諭祭文內有歸於名家早失所天孀居教子竟擢賢科等語以是知太恭人係完節張司馬本少孤也

明光祿卿盧宗哲墓 在城西南八里迴龍廟萬歷二十年遣布政司右參議沈啓原諭祭一壇

明工部右侍郎程紹墓 在城東二十里韓家莊卒後晉贈工部

尙書崇禎十三年遣監察御史嚴雲京諭祭一壇

明旌孝子尹綸墓 在城東尹莊

清內院大學士謝陞墓 在城東南五十里九龍口陞仕明累官至光祿大夫左柱國少傅兼太子太傅吏部尙書建極殿大學士清順治定鼎北京徵拜左柱國內院大學士少傅兼太子太傅吏部尙書卒於官贈太師諡清義命鴻臚寺劉國圖護送內院中書舍人張光宸督造墳塋順治二年遣禮部左侍郎孫之獬右侍郎何徵諭祭一壇

清都御史趙繼鼎墓 在城東十里鼎前明御史甲申之變倡義誅僞官清兵下山東全城歸附以原官徵用累官都察院右都御史管戶部左侍郎事順治十七年卒諭祭一壇

德縣志

卷四

輿地志 冢墓

三十三

清戶部左侍郎田雯墓 在城東南三十五里陽穀店雯歷任江

蘇貴州巡撫內陞戶部左侍郎康熙四十三年卒四十四年遣

濟東道宋廣業諭祭一壇

清體仁閣大學士盧蔭溥墓 在城南二十里舖致仕後年屆八

旬重宴鹿鳴道光十九年卒贈太子太師諡文肅諭祭一壇

清大理寺少卿孫勸墓 在城東德水河陰距城十五里

清處士鄉諡貞曜先生田實栗墓 在城南周莊

清旌孝子呂閔墓 在城西南戴官屯

清旌孝子趙如范墓 在城北紀家店

清旌孝子魏廣智墓 在城東七里舖

清兩淮都轉鹽運使盧見曾墓 在城南紀莊

清戶部江南司郎中田肇麗墓 在城東陽穀店  
清國子監學正田同之墓 在城東陽穀店

德縣志

卷四

輿地志 冢墓

三十四

古蹟

黑龍潭 白龍潭 在城東南馬頰河中清康熙時蕭侍讀惟豫

龍泉寺記有云寺去予雲莊侍讀致仕隱居處二里許以在兩潭之間

故名龍泉歲旱禱雨輒驗

九龍口 在城東馬頰河西岸因古河匯流謂之九龍口又名九

龍窩

董子讀書臺 舊在州學內明正統間知州韋景元修學宮掘地

得石碑文曰董子讀書臺知爲當年故址復焉萬歷中移建於

西門外通志名之曰繁露臺

陳公堤 在縣城東自西南蜿蜒而來繞東北而去距城或三五

里或七八里不等

德縣志

卷四

輿地志 古蹟

三十五

按舊志載宋天禧中陳堯佐知滑州時築以防水故人稱之

曰陳公堤李東圃先生州志考異謂爲宋熙寧中督水監丞

奏請所築然千年古跡沿稱已久故仍從舊志

月河 在城西北運河之西堤長里許地址高聳東望帆檣往來

如林欵乃聲餘饒有風景知州馬明瑞作閘舊跡猶存

十二連城 在城北十里明建文元年李景隆將兵五十萬衆討

燕督都韓觀築十二連城以護北廠倉儲其跡久湮

化龍池 在今縣政府卽舊督糧道署東園內池跡已湮

藝文志

載有郭日休化龍池記

雁塔

俗名題名塔

在縣治東南城隈上明萬歷四十年修城時

建塔凡三層底坐洞開如屋壁上嵌石鐫甲乙科姓名仿慈恩

寺之遺意清康熙中復嵌二石以續之

振河閣 在西城上明萬歷四十年修城時建昔年飛樓翼然俯瞰衛水登高眺遠城之內外景物歷歷在目稱爲全城勝地邑人多有題咏惜今已廢圮無存

廣川橋 在廣川門外王元美詩云春風綠遍德州橋舊志謂卽指此橋其後亦名德州橋

將軍寨 明洪武元年常遇春克德州與大將軍徐達會兵之所王紀口 宋史鄭驥傳德州河決入王紀口今俗訛王家口

徽王莊 明天順元年賜王子見沛田在邑東境名徽王莊成化三年徽王就封均州田歸諸民莊名仍舊

廻龍壩 在小西門外明萬歷四十年知州孫森築

德 縣 志

卷四

輿地志 古蹟

三十六

李公堤 在小西門外康熙五十七年山東巡撫李樹德築

繁露堂 在今縣政府卽舊督糧道署東園內化龍池北久圮金志載戶部主事桐城阮自華咏繁露堂詩當年勝景概可想見今已廢圮無存

平津館 在今縣政府卽舊督糧道署東院清嘉慶間督糧道孫星衍撰館記錢泳書隸字勒石於壁

桑兒園

卽柘鎮

在城北五十里以桑淵得名明正德中馬申錫嘗駐此招流賊劉六等

羅城 繞城至東南明正德五年劉六之亂將作知州寧河築之以衛城廂其跡久湮

白橋 唐時御河之橋也自元漕糧北運遂廢

小胡城 考金志無小胡城其所稱平原嶺卽此金志云平原嶺在城南百步許土崗無石現爲市里其自註云按齊乘平原嶺在德州東南七十里其上有鹿角關當時德州乃今之陵縣又云一統志載鹿角關在今臨邑北十五里唐置則此之平原嶺亦後人取以名之者王志謂平原嶺爲小胡城故址註云唐王承宗私置屯兵護白橋者後旋廢清乾隆四十八年南關外米市角西路南陳姓修造房舍掘地得甃甃盡而地道見東西如門地道北斜入門行數十步風滅燭不敢進以土填之其按語又云承宗抗拒朝命於長河縣私置河東小胡城專爲屯兵計於地上甃砌甬道覆之以土望之宛然土城敵弱則登陴守護而敵不敢入敵強則自地下潛行而敵不見人敵入其城則夜

從地道攻其無備敵逕渡橋則又從地道襲其後軍元和十一年程瓘屢敗承宗而終不能渡白橋者職此之故自承宗入東光斷白橋路小胡城以無用而廢茲掘出地道東西皆北斜乃小胡城南面也嗣李東圃先生著州志考異力詆其非謂豈有事隔千有餘年竟如目覩其形勢親爲之指揮者陳姓所掘出者爲昔年避亂之地窅絕非小胡城故址謹按新唐書無小胡城舊唐書長河縣條內元和十年又置河東小胡城未言其制若何通志則謂小胡城卽今縣治唐初竇建德將王小胡亡命貝州作亂此城爲其所築唐曾移長河縣治此長河志藉考亦謂小壺城卽唐之長河縣城數說之中未知究竟孰是故並誌之以質之深於古者

皇殿 在城西河上明永樂宣德間車駕往來兩京嘗駐於此舊在河西岸清雍正十二年河西徙出河東岸廢圯已久

廣川樓 雙梧亭 銀安殿 在城南驛中明洪熙元年太子駐蹕之所遺跡久湮

醇儒書院 在西門外 即前列董子讀書臺 明萬歷四十三年知

州馬明瑞移董子祠於此名醇儒書院清康熙中督糧道朱廷楨即故址築亭種柳爲觴詠之所名曰柳湖書院時延文士校藝其中極一時之盛事也

崇仁書院 在東嶽廟後程尚書紹建知州馬明瑞嘗課士於此廢圯已久

董顏書院 在大西門內迤北苗家胡同田侍郎雯建今成汚池

德縣志

卷四

輿地志 古蹟

三十八

蘆荻叢生

鐘鼓樓 舊時鼓樓在守禦千戶所前鐘樓在知州署前有事則鐘鼓齊鳴軍士咸集清乾隆初鼓久敝拆樓添修守備署乾隆五十二年改鐘樓爲州署大門鐘移行宮內鐘上鐫有元至元年號今兩署與行宮均廢

方山 在城東十餘里稜土爲山邑人李陶菴有詠方山暮雪詩清乾隆間修志時指爲長河縣城故址李東圃先生州志考異辨其非是謂長河縣城即今城址方山絕非長河舊跡長河志籍考以方山近鄰厭次故縣疑因東方朔得名然自隋唐至今千有餘年殊難臆斷且近已不類山惟傅家寺西一帶地勢稍高耳

落星坡 在城東董家閣清乾隆三十年廩生張鈞埋星石立文昌閣嗣閣傾圮星石復現於民國十八年移於民衆教育館保存

稅課局 在稅務街明嘉靖七年大使趙得賢建清康熙三年裁撤其局遂廢基址久湮

惠民藥局 在南關太僕分寺前按太僕分司署在南關外卽舊馬神廟

遞運所 在小鍋市明洪武間立隆慶四年裁今不詳其處

唐營 在稅務街東南明崇禎九年總兵唐通屯兵於此今不詳其處

老虎倉 指揮王鋹墓因諭祭有石虎曾立倉於此故名老虎倉

德縣志

卷四

輿地志 古蹟

三十九

其跡已湮

半邊店 在中心角南明成化前大路俱由此遺跡久湮

行宮 在城西南卽今馬市街南恩泉井附近清乾隆二十一年建爲南巡駐蹕之所今已廢圮基址已湮

龍湊城 在邑東北河津置戍處後漢初平三年公孫瓚遣兵擊袁紹至龍湊城爲紹所敗卽此

趙宅鎮 在城東北四十里宋置 以上二條採錄通志

按古蹟一門舊志所載尙多此次重修凡與今縣境無涉及無從考據者酌爲刪去雖不免疏漏之譏要無牽附之弊耳



園亭

公園 在城外火神廟迤南民國二十二年建德縣進德分會會址在焉方廣數十畝周圍繚以石垣園之中疊石爲山高可尋餘石磴峻嶒上有小亭登臨其上全園景物歷歷在目山之北有大廳數楹爲進德分會之禮堂窅然而深洞然而明廳之東有紀念碑亭二兩亭之間爲景星樓樓下則閱報室也山之南爲移風社時演國劇以供民衆娛樂山之西鑿地爲池引水入焉池上築小石橋以通往來橋之西築小亭三爲夏日遊人憩息之所四圍水波蕩漾柳蔭縈迴披襟小坐心曠神怡西偏爲園中通行大路築橋以通池水全園高低合度大小咸宜名花異卉佳木繁植花時極爲豔盛洵邑中之勝地也

德縣志

卷四

輿地志 園亭

四十

園亭遺跡

南湖書院 在王從店鄒別駕頤賢致仕後教授生徒之處內有讀書堂蘆南書屋藝文志載有詩句

靜軒 程右丞珣讀書之室今不詳其處

濯錦園 在城北郭枕河流輦石爲山峯巒洞壑遞饒奇勝爲程司空紹別墅宋弼州乘餘聞云濯錦園最爲古蹟貽燕堂啓秀坊詠駿亭與園名在立石上皆擘窠大字是董華亭書又研潔筆精橫額邢太僕伺書鵝羣榭王鐸書名蹟昭耀想見爾日風流惜以上諸書今皆不見園址已彼黍離離矣

望雲閣 在城西北明萬歷間金方伯煉建

東壁樓 在東郭外程別駕泰別業虞山錢謙益過此有詩詠之

見藝文詩外編

尊水園 在大西門內呂家街盧侍御世漣居也杜亭在其中後田侍郎雯曾移居於此

拙政園 在城東土橋西李孝廉誠明別墅內有矩亭楹椽甃瓦皆方故名歲久傾圮其曾孫庭燦移築於見可園內顧寧人先生有詠矩亭詩句

見可園 在城內李大令源所構中有四清館坊曰清未了聊城傳以漸書

綠槐書屋 在大西門外竹竿巷蕭侍讀惟豫攻讀處

雲莊 在城東南四十五里距近土河龍潭之上蕭侍讀惟豫致仕讀書處

德縣志

卷四

輿地志 園亭

四十一

湄園 在城內亦蕭侍讀惟豫別墅

瓜隱園 在城東二十五里田侍郎雯致仕吟詠處

寒綠堂 在城內呂家街清康熙四十一年南巡駐蹕山薑書屋御筆書此頒賜田侍郎雯筆姿遒勁洵爲珍品現懸田氏宗祠

山薑書屋 在寒綠堂西本盧侍御世漣尊水園中之畫扇齋後爲田侍郎雯致仕吟詠處

偶園 在南門東陳僉事洪諫別業

數帆亭 在西門外田教諭霖別墅王士禎題田子益數帆亭詩有忽聞欸乃中流急知近香城處士家之句

止園 在西門內呂家街貢生呂燠別業內有鐵菴年代久遠圯廢無存俗呼呂家海子卽止園之遺址也

汲灌草堂 在西門內近依雉堞呂大令占建致仕吟詠處現惟老槐槎枿夏日濃陰密茂耳

杏村 在城南五十里謝郎中重輝別墅

古槐堂 在南門內孝廉李升居也舊志載有古槐一株傳爲唐時所植孝廉因以名其堂而今無矣

松雨樓 在西門內羅員外植別業又於宅後修印濂亭刻程子四箴於亭以樸實爲訓其子貢生以深因名曰樸園張元有樸園記見藝文志文外編

雅雨堂 在南門內大街盧都轉見曾所居之宅也

柳舫 在西門內封進士大受讀書之室先生博學好古自登第後高尚其志隱不出山與當時名士相酬和尤工鐵筆至老不

輟傳流於其子保祺所鐫印譜有柳舫集印華月令夏小正陰隲文百壽圖等譜行於世方家謂得許實夫林鶴田之遺矩焉

金石

高植墓志

見冢墓

邑人田雯長河志籍考有詩紀之石藏田氏家祠不知何時石碎無存竟如廣陵散矣

高湛墓志北魏元象二年刻石清乾隆十四年城北第三屯河決石出方尺有六寸邑人封希孔收藏咸豐季年某孝廉携於濟南獻於某中丞回籍不便携帶而珠還孝廉置諸濟南肆中事隔數年未克取回後聞有陶某從肆中購出携赴南省今不知石歸何處山左金石志云碑字秀勁爲唐時虞褚諸家所本

高貞碑北魏正光四年立清嘉慶十一年由城北第三屯出土孫淵如觀察移置學宮並鐫跋語及李斯篆二十九字於碑陰獨山莫友芝金石筆識云是碑爲石刻之最整峭者與張猛龍一

德縣志

卷四

輿地志 金石

四十三

石同在正光時可稱雙絕

高慶碑北魏正始五年鐫清光緒二十一年秋第三屯河岸崩坼石淪於水二十三年三月水落石出邑人移於學宮碑早建於高貞碑十餘年以文考之當與貞爲雁行碑字如出一手惟石質不逮貞碑今移置民衆教育館以上四碑俗稱四高云  
高君墓志蓋篆大唐故高府君墓誌數字唐會昌元年十月十八日葬埋民國十六年丁卯二月桑園迤西第九屯農人掘出墓石兩方縱橫尺餘字頗遒勁只誌姓氏未書其名亦一奇矣  
孔子贊在學宮元至大四年立石

重修慈氏寺碑潤國禪師撰劉溥書明嘉靖十二年立在小西門外舊銀瓦寺廢址

重修高眞觀碑記沙溪孫緒撰文明嘉靖十七年立  
在北城觀之廢址

樹柏記橫石在學宮明嘉靖三十三年刻

樹柏記在學宮明嘉靖三十五年刻石

重修儒學記橫石在學宮明隆慶元年刻程珍書

重修儒學記在學宮明隆慶元年刻石

鐵佛寺碑州人馬九德撰文劉盈科書明萬歷三年立  
在東關

北極廟碑在北門甕城內馬九德撰文風雨剝蝕字多  
漫漶未詳

立自何年

振河閣私祝記碑劉士驥撰文許用敬書明萬歷四十  
年立

迴龍壩碑兩面均刻此三字明萬歷辛亥四明孫森立

德縣志

卷四

輿地志 金石

四十四

甘露菴殘碑明天啓六年刻在小西門外城下

彌陀寺殘碑在東關廢廟中邑人程紹撰文

關帝廟碑明嘉靖十八年立在柘園鎮

觀音堂碑明天啓七年立程紹撰文在柘園鎮

以上二十種石類

金貞元二年大鐘在舊永慶寺後門鐘紋界十六方格  
每格縱橫

尺餘可見其巨矣格內有呪語及鑄鐘姓氏又有大  
金國景州

將陵縣鑄大鐘一顆等字

元大定十五年大鐘在南關玉皇閣後十方院舊慧光  
寺廢基上

元大定某年大鐘欵識漶漫不晰民國二十年由永  
慶寺移於同

善水會作警鐘

明鐵鐘字有明德州云云半埋土中在東關廢廟中

水官驛廟外大鐘明崇禎間鑄

古磬一在火神廟明萬歷九年鑄一在甘露菴萬歷三十年鑄一  
在玉皇閣嘉靖二十五年鑄

三銅鼎明弘治間鑄原在永慶寺現移於民衆教育館內保存

大鐵磬明嘉靖三十二年鑄在柘園鎮北極廟

鐵鐘明萬歷四十五年鑄在柘園鎮北極廟

以上九種金類

# 卷四刊誤表

頁數	行數	字數	誤	正	原文
十六	十三	六	崇	崇	崇祀名宦
十九	六	十七	禪	禪	禪堂
二十二	十二	十八	禪	禪	觀音禪院
二十二	十四	八	下禪(在城東十二里)六字	添(在城東十二里)六字	
二十二	二十	三	禪	禪	
二十六	十三	十七	禪	禪	歸禪處
二十六	十三	二十四	禪	禪	西王巴圖魯
三十一	二十	一	下禪(西王)二字	添(西王)二字	蘇爾
三十七	二十	二十二	禪	禪	長河志籍考
三十九	十六	五	禪	禪	龍溪城

